



Republika e Kosovës
Republika Kosovo
Republic of Kosova



Komuna e Istogut
Opština Istok
Istog Municipality

Nr: 5	P r o c e s v e r b a l
Tipi i mbledhjes:	Mbledhje e Këshillit Komunal për Siguri në Bashkësi.
Data e mbajtjes:	27.08.2025 Ora: 10:05
Vendi i takimit:	Salla e Kuvendit Komunal
Mbledhjen e kryesoi:	Nënkryetari i Komunës: z. Ali Nimanaj
Procesmbajtës:	Skender Hasangjekaj, Koordinator i KKSBB-së
Anëtarët e Këshillit:	<ol style="list-style-type: none">1. Ilir Ferati, Kryetar i Këshillit;2. Enver Gashi, Komandant i Stacionit Policor;3. Shemsedin Zymberaj, Bashkësia Islame;4. Don Alfred Sokoli, Kisha Katolike,5. Jerej Nebojša Sekulić, Kisha Ortodokse,6. Zenun Bujupaj, Komuniteti Shqipëtar;7. Svetlana Đorić, Përfaqësuese e Komunitetit Serb;8. Adnan Ramić, Komuniteti Boshnjak;9. Ganimer Shaqiri, Komuniteti Romë;10. Ukë Dollci, Komuniteti Egjiptas;11. Đula Karišik, Komiteti për Komunitete;12. Servete Haxhijaj, Zyrtare për barazi gjinore;13. Naim Behlulaj, Drejtor i Drejtoratit për Arsim;14. Enver Balaj, Kryesues i këshillit të prindërve të Arsimin në Komunë;15. N/Tog. Albestrim Rexhepi, nga FSK;16. Blerim Gerguri, KLSP-Gurakoc;17. Gëzim Ademaj, KLSP-Banjë;18. Blendineta Shatri, EVSB;19. Skender Hasangjekaj, Sektori i Emergjencave;20. Almira Eqo, Zyra Komunale për komunitete dhe Kthim;21. Blendor Isufaj, KVRL;22. Zeqir Mehmetaj, Radio "Fontana";23. Lumdita Idrizaj, HENDIKOS;24. Armir Arifaj ShKK Burgu i Dubraves, dhe25. Përfaqësuesi i Komuniteti i Biznesit.

	<p>Mungojnë: Don Alfred Sokoli, Kisha Katolike Adnan Ramiq, Komuniteti Boshnjak Djula Karisik, Komiteti për Komunitete Blendor Isufaj, KVRL Armir Arifaj, SH.K.K Burgu i Dubraves Komuniteti i Biznesit</p> <p>Pjesëmarrës tjerë: Monika Curri, Inspektorati Qendror i Punës, Pejë Gjyldane Ahmeti, ESBE Endrit Mehmetaj, RTV Fontana Mehmed Qeman, përkthyes, Komuna Istog</p>
--	---

Rendi i ditës:

1. Miratimi i Rendit të ditës,
2. Miratimi i ekstraktit të procesverbalit
3. Siguria në zonën e përgjithëshme të PK
4. Informatë nga Institucionet tjera (KFOR-i, FSK-ja, Arsimi, Sh.K.K “Burgu i Dubraves”, Perfaqësues të komuniteteve etj.)
5. E drejta për punë:
 - Puna në sektorin privat
 - Orari i punës
 - Kontratat e punës
6. Abuzimi me fëmij minorë dhe adoleshent
 - Bullizmi në Shkolla
7. Të ndryshme

1. Miratimi i rendit të ditës.

Ali Nimanaj, Nënkyetar i Komunës - Përshëndet të gjithë anëtarët e KKSB-së dhe gjithë të prënishmit. Materialin për mbledhje e keni pranuar me kohë, prezantoi rendin e ditës para të pranishmëve. Konstatohet se nga 24 anëtar të KKSB-së, të prënishëm janë 19 anëtar dhe kemi kuorum për të vazhduar mbledhjen. Zyrtarja nga Sherbimi Sprovues pas konfirmimit për pjesëmarrje dje ka derguar email tek Koordinatori dhe ka lajmruar se nuk mund të merr pjesë në takim dhe me keqardhje ka lajmruar se nuk ka mundësi të bëjë zvendësime për të deleguar zyrtar tjetër, andaj pika e gjashtë e rendit të ditës shtyhet për takimin e radhës. Në vazhdim pyeti a ka propozime për ndryshim të rendit të ditës pos këtyre që i lajmroj. Me që nuk ka propozime tjera, miratohet rendi i ditës unanimisht.

2. Miratimi i ekstraktit të procesverbalit

Ali Nimanaj, Nënkyetar i Komunës - Pyet anëtarët e KKSB-së të pranishëm në mbledhjen e kaluar a ka dikush vrejtje në ekstraktin e procesverbalit. Me qe nuk ka vrejtje, miratohet ekstrakti i procesverbalit unanimitisht.
Kalojm në pikën e tretë të rendit të ditës.

3. Siguria në zonën e përgjithshme të PK-së

Ali Nimanaj, Nënkyetar i Komunës - vazhdojmë me piken e rendit të ditës, fjalën ja kalon komandantit të Policisë.

Kap. Enver Gashi, Komandant i St. Policisë Istog - Situata në zonen e përgjegjësishë është e qet dhe stabile. Stacioni i Policisë vazhdon të punoj në bazë të Planeve Operative si dhe në bazë të Planeve dhe urdhërave nga niveli qendror dhe nga Komanda regjionale. Deri në këtë moment që po paraqes raportin për periudhen nga mbledhja e kaluar, për shkak të kohës dhe angazhimeve në takimin të cilin më thirrën nga Prishtina duke ardhur në këtë takim do i paraqes rastet e shumta të zjarreve që i kemi pasur këtë muej dhe ju bëj apel gjithë qytetarve për kujdesin e shtuar për ndezjen e zjarreve në ambiente të hapura, hedhjen e cigareve të ndezuura etj dhe kemi dy raste senzitive që do i paraqes ndersa per statistikat tjera në munges kohe do i paraqs në mbledhjen e radhes. Rasti i vetvrasjes të qytetarit nga Runiku i Skenderajit që ka ndodh në Cerkolez, Policia në bashkëpunim me Prokurorin e rastit dhe mjekësin i ka kryer të gjitha egzaminimet dhe trupi i pajet është derguar në Institutin e Mjekësis Ligjore, rasti kalon në trajtim të mëtutjeshëm në Institucionet përgjegjëse. Rasti i zhdukjes të qytetarit Beqir Maloku. Në procesin e kerkim shpetimit kanë qën të kyqura njësia e kerkim shpetimit nga FSK-ja, Policia e Kosovës me njësin K-9, Shoqata e kerkim shpetimit "Kosova", Shoqata Alpinë, " Podguri, Kryetari i Komunes me bashkëpunëtor, Familjar të të zhdukurit. Zonat e dyshuara janë kerkuar edhe me dron dhe deri me tani nuk kemi rezultate. Rasti tani kalon në njësin Rajonale të hetimeve dhe do vazhdoj deri në gjetjen e personit të zhdukur. Edhe një her ju kerkoj falje që kesaj radhe jamë në urgjenc dhe nuk kamë kohë të qendroj deri në perfundim të takimit, megjithatë jamë i gatshëm tju pergjigjemm pyetjeve tuaja nese ka.

Ali Nimanaj, Nënkyetar i Komunës - falenderoj Kapitenin Gashi dhe i mirkuptojm angazhimet e juaja, hapi debatin.

Me që nuk ka diskutime gjegjesisht pyetje lidhur me këtë pik kalojm në piken e katert të rendit të ditës.

4. Informatë nga Institucionet tjera (KFOR-i, FSK-ja, Arsimi, Perfaqshues të komuniteteve etj.)

Ali Nimanaj, Nënkyetar i Komunës - Perfaqshuesit e FSK-së, Arsimit, komuniteteve etj fjala është për ju.

Ukë Dollci, Komuniteti Egjiptas- kamë një pyetje për Kryetarin e Këshillit të Prindve, me që jemi në prag të fillimit të vitit shkollorë, a ka mbajt ndonjë takim me Këshillin e Prindve në nivel Komune dhe DKA-në, lidhur me furnizimin me mjete shkollore dhe a janë të gjitha tekstet shkollore të siguruara të gjitha për fillimin e vitit shkollorë.

Enver Balaj, Kryesues i këshillit të prindërve të Arsimin në Komunë- Kemi mbajtur një mbledhje në nivel qendror në Prishtinë dhe jemi duke i bërë përgatitjet për të mbajtur një takim në nivel Komunal. Disa tekste do të bartën nga viti i kaluar dhe atë nga e para deri të 9-tën ndërsa Ministria do të financojë vetëm për mjete shpenzuese. Javën e ardhshme do të mbajmë mbledhje me këshillat e prindërve në nivel DKA-së Istog.

Enver Balaj, Kryesues i këshillit të prindërve të Arsimin në Komunë- Kemi informuar që një numër i nxënësve nuk kanë pas pikë të mjaftueshme për të regjistruar në Gjimnaz. Kisha kërkuar që të ulet kriteri i regjistrimit në Shkollën Teknike që mos të na mbeten nxënësit jashtë bankave shkollore.

Pyetja tjetër lidhur me transportin e nxënësve, vitin e kaluar është paguar pjesërisht ndërsa këtë vit a do të bëhet pagesa për të gjithë njësoj apo serish sikurse vitin e kaluar.

Naim Behlulaj, Drejtor i Drejtoratit për Arsim- sa i përket kriterit, i njëjti caktohet nga Ministria dhe nuk kemi të drejtë të nderhyjmë në kritere. Ne ju kemi drejtuar Ministrisë me kërkesë që në Shkollën teknike nuk ka kriter numri i pikëve dhe i kemi regjistruar të gjithë nxënësit. Sa i përket transportit, ne kemi hapur vijat shtesë dhe kjo na kushton rreth 200 mijë euro për dy vite. Me udhëzim Administrativ është e paraparë 4km largësia nga Shkolla, megjithatë ka kritere shtesë të viseve malore ku nxënësit mund të rrezikohen nga shtazë të egra apo forma tjera kjo largësi zvogëlohet andaj ne serish do vazhdojmë bazuar në këto kritere sepse ndryshe nuk kemi baza Ligjore për të kryer pagesat.

Me që nuk ka diskutime lidhur me këtë pikë kalojmë në pikën e pestë të rendit të ditës.

5. E drejta për punë:
 - Puna në sektorin privat
 - Orari i punës
 - Kontratat e punës

Ali Nimanaj, Nënkyetar i Komunës - lidhur me këtë temë fjalën ja kaloj Koordinatorës të Inspektoratit Qendror të Punës-Pejë znj. Monika Curri

Monika Curri, Koorditore e Inspektoratit Qendror të Punës-Pejë - pershendet të gjithë të pranishmit. Këtu e përfaqësoj Divizionin për Inspektime në rajonin e Pejës. Si Inspektorat kemi një fushëprimtari të gjërë, me të cilat na obligojnë shumë Ligje dhe atë. Ligji i Punës, Ligji për siguri në punë, Ligji për Inspektoratit të punës, Ligji për Lejoni, Ligji për siguri dhe shëndet në punë Ligji për të huajt dhe shumë Rregullore tjera bazuar në këto Ligje. Nga muaji prill jam ushtruese e detyrës si udhëheqëse e këtij divizioni të cilin në të kaluarën e ka udhëhequr ai dhe ka prezantuar raportet e vitit 2024 por që i njëjti është me disa probleme shëndetsore andaj unë kam përgatitur një raport për inspektimet e kryera në Komunën e Istogut dhe kam bërë një krahasim të gjendjes me komunat tjera në regjion por kam marrë komunën e Klinës e cila ka perafersisht specifikat e njëjta sikurse Istogu, me që Peja është qytet më i madh dhe ka specifika tjera, më shumë biznese më shumë të punsuara etj.

Ligji për Inspektime i parasheh disa lloje të inspektimeve dhe atë Inspektimet e planifikuara, Inspektimet e Planifikuara, Inspektimet me ankesë, inspektimet me aksident në vendin e punës dhe inspektimet e përbashkëta të cilat bëhen së bashku me zyrtar Komunal; Policin etj.

Inspektime të Planifikuara në Komunën e Istogut gjatë kësaj periudhe të vitit 2025 deri me 31.07. janë realizuar 27 inspektime, ndersa në Komunën e Klines janë realizuar 24.

Pa planifikuara janë kur Inspektorët dalin në teren dhe duke qarkulluar hasin si psh. Vendpunishtet e pa siguruara që kemi shumë në të gjitha Komunat dhe inspektorët kryejn inspektimin. Raste të tilla i kemi 15 në Istog, ndersa në Klinë 18.

Aksidente në vendin e punës, me keqardhje i kemi pas 11 që janë shumë. Fatmirsisht janë aksidente të vogla pa pasoja për jetë, por inspektori e ka për detyr edhe në këto raste të vogla të del në vendin e ngjarjes dhe ta kryej inspektimin për shkaqet dhe pasojat e aksidentit.

Inspektimet me ankesa, ku hiç ma larg se sot kam pas një ankesë për një Shkollë në Istog, propozimet për transfere. Tema kryesisht është e bazuar në sektorin privat, ndersa rastin konkret e kemi në institucionin Publik, megjithatë duhet ta kuptojmë edhe ne që të drejtat e punëtorit duhet respektu, mbas 10 viteve punë, punëdhënsi është i obliguar që punëtorit ti lëshoj kontratë të përhershme dhe transferi nuk mund të ndodh pa pelqimin e punëtorit. Po e theksoj këtë sepse kohën e fundit kemi shumë ankesa nga sektori i Arsimit.

Inspektimet e përbashkëta kemi hasë në mirkuptim dhe bashkëpunim me Komunat. Kur niveli lokal ka hasë ndonjë parregullsi-problem në ndonjë ndermarrje ka kërkuar bashkëpunim qoftë përmes telefonit apo emailit për inspektim të përbashkët me inspektor të punës apo zyrtar të ATK-së dhe sektorve tjerë ku secili zyrtar veç e veç kërkon dokumentacionin nga fushveprimtaria e vetë. Komuna e Istogut ka ofruar përkrahje dhe bashkëpunim më shumë se Komuna e Klinës dhe Deçanit. Më së shumti nga këto inspektime kemi kryer në sektorin e ndërtimit ku gjatë vitit 2025 fatkeqsisht kemi pas edhe raste me fatalitet. Në Istog i kemi kryer 23 inspektime ndersa në Klinë 20 të tilla. Në sektorin e prodhimit janë 17 inspektime ndersa 9 në Klinë. Sektori i shëndetësisë nuk kemi pas me që ka qenë përgjegjës i nivelit qendror ndersa nga muaji Gusht ka kaluar në përgjegjësi të Divizionit tonë. Bujqësi i kemi 4 inspektime në Istog 2 raste në Klinë. Hotelieri i kemi 5 inspektime ndersa 4 në Klinë. Inspektimet në sektorin e shërbimeve që nënkuptojnë jashtë sektorve të përmendura si psh kompanitë e sigurimeve, floktari etj. Sektorin e Arsimit deri me tani i ka pas Prishtinapor nga muaji gusht një në kompetencat tonat. Edhe pse nuk jemi idhëtar të gjobave, sidomos në inspektimin e parë i jepet vretja dhe afati për plotsimin e tyre. Nga 22 gjoba i kemi shqiptu në Istog dhe Klinë mirëpo vlera ndryshon. Vlera e gjobave për Istogun është 29.850€, ndersa për Klinën 26.350€ pra periudha 7 mujorsh.

Problemet më të mëdhat i kemi me kontratat e punës të cilat nuk i përfshijn të gjitha elementet e parapara për kontratë në Ligjin e punës në nenin 11. Rrjedhimisht nga kjo kemi raste kur punëtori paraqet ankesë tek ne por shprehet se nuk e dinë çka ka me punë sepse në kontratë nuk i parashihen detyrat as orari. Këtu i gjejmë fajtor edhe punëmarrsit sepse nuk e lexojnë kontratën por vetëm e nënshkruan, ndersa punëdhënsi nuk e merrë në punë juristin që ti hartoj kontratat por këtë punë në shumicën e rasteve ja kryen kontabilisti. Orari i punës është i parapara me Ligjin. Shumica e bizneseve të Istogut nuk e respektojnë orarin e punës, punëtori është i obliguar të punojë 40 orë në javë që nuk do të thotë se punëtori nuk mund të punojë më shumë se 40 orë por që duhet specifikuar dhe duhet evidentu si orë shtesë dhe duhet

paguar mvarsisht a është ditë pune vikend apo festë. Nukë është orari i punës që zakonisht e perdorin bizneset hapet 08.00- 23.00. Orari i punës i parapar me Ligjë është kurë punëtori fillon dhe mbaron punën, nese punon më teper se 8 orë në ditë duhet një marrveshje e veçantë për këtë koh ku specifikohet edhe pagesa e veçantë. Shumica e gjobave të bizneseve në Komunën e Istogut nga shuma që e paraqita më heret janë si pasoj e mosë rrespektimit të orarit të punës dhe mos pagesa e orëve shtes të punëtorve. Bizneset nuk mbajnë evidenc për punën shtesë të punëtorve, tani disa biznese të mëdha kan filluar me sistemin e kartelave për hyrje dalje, por jo të gjitha bizneset e kanë këtë mundsi. Arsyetimi nuk kemi kompjuter apo nuk po punon kompjuteri nuk kalon më, biznesi mund ta mbaj edhe në fletore evidencen e orarit të punës të punëtorve ku evidentohen edhe orët shtesë.

Disa mangsi mund edhe të tolerohen por jo edhe rrezikshmeria e jetës së punëtorit që po ndodhin në ndertimtari. Objekti dhjet kate pa skele pa siguri në punë, hiç ma larg se prapa Komunes ku ne po mbajm këtë mbledhje është objekti në ndertim, pa skele, pa masa mbrojtëse, pa parmak, asnjë punëtor nuk ta knaq syrin që ka paisje mbrojtse në punë. Ipen arsyetime se punëtori i pa shkollë i pa pergjegjëshëm, por ku është rroli i punëdhënsit këtu, çfar masash ndermerr aji për zbatimin e masave mbrojtëse, sepse jo të gjithë punëtoret i ka të njëjtë pernga kfalifikimi.

Bizneset që i kemi inspektu në Komunën e Istogut janë: Beni, Shtepia G, Shkëmbi ku dje ka ndodhë një lëndim i lehtë, zakonisht informatat për lendime i marrim nga Policia dhe kemi dalë në inspektim në vendin e ngjarjes. Nga 27 rastet e inspektuara janë 11 lendime ndersa nga to janë 10 në ndertimtari si rezulttat i mos ndermarrjeve të masave mbrojtëse. Fillimisht në pika të shkurta ky do ishte raporti jamë e hapur për pyetje.

Ali Nimanaj, Nënkryetar i Komunës – falenderon znj. Curri për raport të detajuar dhe hapë debatin lidhur me temen.

Enver Balaj, Kryesues i këshillit të prindërve të Arsimin në Komunë- tek sektori privat, gjegjësisht ndertimtari Ju apo Ministria e financave a mbajni ndonjëhere fushata vetëdijesuese apo punëdhënsi si perdoret helmata dhe paisjet tjera mbrojtëse.

Monika Curri, Koordinatore e Inspektoratit Qendror të Punës-Pejë – Nga data 01.08-01.09.2025 e kemi një projekt të financuar nga ILO, kompani Suedeze dhe sot janë Inspektorët në Komunën e Istogut dhe në Komunën e Deçanit në këtë fushat vetëdiesuese. Kompania ka pergatit fletushka që janë shumë lehtë të kuptueshme edhe nese punëtori nuk dinë shkrim-lexim, fletushka është me foto që tregon punëtorit si dhe ku ta perdor helmeten, paisjet tjera mbrojtëse, si ta perdor shkallën etj. Duhet ta kuptoni se Inspektorati i Punës është institucion ekzekutiv. Konstaton shkeljen ndermerr masat, kesaj radhe kemi marr edhe rrolin këshill dhënës dhe kemi lehtsu apo më mirë thën kemi ndermjetsu per ta kryer projemtin kompania në fjal dhe vetëdijesu punëtoret me qellim zvoglimt të lendimeve në punë e në veçanti atyre me fatalitet.

Zenun Bujupaj, Komuniteti Shqipëtar – Do të fokusohem në dy çeshtje, gjë që besoj se shumicës i interesojnë. Tek çeshtja e diskriminimit në punë dhe te siguria në punë. Ju e potencuet se nuk jeni adhures i gjobave, mendoj se nuk duhet kryer puna me emocione a me shkru apo mos me shkru gjoben. Inspektorit Ligji ja percakton veprimet dhe ato duhet ndermarr pa emocione, sepse punëdhënsi po e obligon punëtorin të punoj me orar të zgjatur dhe nuk e bën pagesen e orve shtes apo nuk i

paguen sipas Ligjit. Andaj Inspektori ka per obligim ta zbatoj Ligjin. Ne kemi kontakte të perditshme me punëtorët dhe këto dukuri i verejm që ka diskriminim dhe shkelje Ligjore në veçanti kur është në pyetje orari i punës. Në këto dukuri sipas mendimit tim rrolin kryesor e kan Inspektorati gjegjësisht Inspektori kur del në inspektim.

Monika Curri, Koordinaore e Inspektoratit Qendror të Punës-Pejë - Po diskriminimi dhe siguria në punë janë pergjegjësi e Inspektoriatit por asnjë her pa e anashkalu edhe Gjykatën. Në Ligjin e punës janë disa nene që i parashohin edhe detyrat e Gjykates ku Inspektori dergon lënden dhe është kompetenc e Gjykates marrja e Vendimit. Jo gjithëher mas ndeshkuese është Gjoha sepse ka raste kur Inspektori per mos zbatimin e masave mbrojtëse të punës merr masen për ndalimin e punës. Inspektori ja ndalon punën e qet shiritin objektit dhe shumica e bizneseve më shumë ankohen kur Inspektori ja ndalon punën dhe vendos shiritin sesa me gjobit me vler dhjet mi euro, sidomos tek objektet e ndertimtaris më shum i shkaktohet dëm punëkryesit me ndalim të punës sesa me gjobë monetare, prekja e shiritit gjegjësisht vazhdimi i punës pa i plotsuar kushtet e theksuara nga Inspektori është veper Penale. Pra Inspektori duhet dhën lejen për vazhdimin e punës. Masa e ndalimit të punës po ka efekt më të madhë sesa gjoba,sepse në pik të sezonit tja nderpresh punën një muej ka efekt të rënd tek ndermarrja.

Ali Nimanaj, Nënkrjetar i Komunës - fillimisht falenderon znj. Curri për nj ëraport gjithëperfshirës dhe krahasues me Komunat tjera. Qoft vetem edhe një gjob për mos plotsimin e kushteve për siguri në punë per ne është shqetsuese, sepse drejtperdrejt ndikon në jeten e punëtorit. Pyetja ime është a ka Inspektoratinë Regjionin e Pejës staf të mjaftueshëm për me i mbulu dhe me i mbikqyr punimet në veçanti në sektorin e ndertimtarisë. Ndersa pyetja e dytë lidhet me sektorin Publik që e diskutut dhe Drejtori i Arsimit e ndriti doren për tu sqaruar lidhur me çeshtjen e ngritur për kontratat e punës.

Monika Curri, Koordinaore e Inspektoratit Qendror të Punës-Pejë - Sa i perket numrit të inspektorve të punës në rajonin e Pejës, jo nuk kemi staf të mjaftueshëm, por është bër një ndyshim dhe tani janë sektore të ndara Inspektor për mardhanjë në punë dhe Inspektor për Siguri në punë, andaj është hapur konkursi për pranimin e gjashtë inspektorve për mardhanje në punë dhe një për siguri në punë me që aktualisht jemi shtatë të kualifikuar për siguri në punë, ndersa vetëm një për mardhënje në punë në Rajonin e Pejës. Nuk kemi informacion të sakt kur do të permbyllet procesi i ketij konkursi. Inspektorët e siguris në punë do të merren më shumë me sektorin e ndertimit dhe ato ndermarrje ku cenohet siguria e punëtorit, ndersa Inspektort për mardhënje në punë do të merren me kontratat me orët shtes me raportet punëdhënës-punëmarrës. Me këtë rast kisha kerkuar një mirëkuptim në raste eventuale të vonesave sepse aktualisht jemi nuker i vogel dhe besoni se më shumë punojn Inspektorët orë shtes sesa punëtorët në sektorin e ndertimtarisë apo gastronomis. Ka raste kur Inspektori nuk ka kohë as oren e pauzes ta shfrytëzoj. Ka raste kur p.sh. Komuna e Istogut Planifikon inspektime të perbashkëta në ora 20.00 në një sektor dhe Inspektori duhet ti pergjigjet ketij inspektimi të planifikuar. Ligji e parasheh afatin 30 ditë për kryerjen e një lande dhe në raste kur kerkohet dokumentacin shtesë me njoftim të pales shkon edhe në 45 ditë.

Nese ka të bëj me 10 vjeçarin e kontratave bazuar në Ligjin e punës keni gabu, nuk jamë në dijeni per Legjislacionin e Arsimit që mund të ketë pika specifike, pirpo edhe mardhanjet e brendshme, Udhzimet Administrative, Rregulloret apo Legjislacioni i Arsimit nuk mund të bie ndesh me Ligjin e Punës. Pra Rregulloret duhet të jenë konform Ligjit të Punës.

Ali Nimanaj, Nënkyetar i Komunës – falenderon znj. Curri në pergjigjen e detajuar, sepse kanë qen edhe mediatike që Inspektorati nuk ka staf të mjaftueshëm por mbetem me shpres që të rritet stafi dhe të keni mundsin tju pergjigjeni sfidave.

Naim Behlulaj, Drejtor i Drejtoratit për Arsim- falenderon Inspektoren në prezantimin e detajuar dhe jemi per mosshkputjen e kontratave por Ligji dhe Kushtetuta nuk lejon të japesh pag pa punë, ndersa Ligji i Arsimit mësimdhënsin e lidhë me numrin e nxënësve, pra ne nuk kemi baz Ligjore që mësimdhënsit ti vazhdojm kontraten kur i njëjti nuk ka nxënës.

Ligji i Arsimit parauniversitar i ka disa specifika që realisht bije ndesh me Ligjin e Punës. Ligji i punës thot të gjithë punëtorve që kanë 10vite pervoj pune i lëshohet kontrata me afat të pacaktuar, ndersa Ligji i Arsimit thot të gjithë mësimdhënsve që kanë 180 kredi u shpallet konkursi çdo vitë, nuk jamë i sigurt a theksohet në Ligjin e Punës, punë pa nderprerje 10 vite. Ne në Istog i kemi tri raste të tilla dhe ju kemi drejtuar Inspektoratit të Arsimit për sqarime si të veprojmë këto raste, me qe Ligji i Arsimit parauniversitar është i qart per ne dhe është obligativ. Kemi mësimdhënës që nuk janë adekuat p.sh. Ka mësimdhëns që e ka të kryer Gjuhen Angleze por në Shkollë e jep gjuhën Gjermane andaj të njëjtit çdo vitë duhet shpall konkursi. Bazuar në këto arsye do të ishte mirë që Inspektorati i Arsimit dhe Inspektorati i Punës të kemi takime të perbashkëta dhe të merret një vendim si të vazhdohet tutje.

Monika Curri, Koordinator e Inspektoratit Qendror të Punës-Pejë – Kontrata e perhershme nuk e theksova që nuk ki drejt ta shkputesh. Janë procedurat vrejte, paraperjashtim etj, pra mund të kryhen procedurat dhe me kete rast shkputet kontrata pas shkeljes të ranë që bën punëmarrësi.

Sa i perket shpalljeve të konkurseve këtë nuk e permenda, keni të drejt sipasLigjit të Arsimit, mirpo një punëtor që ka punuar 10 vjet shpallni konkurs por mos ja shkputni kontraten. Mund të mbajm edhe takim me Inspektoratin e Arsimit dhe të sqarohemi mirë rreth Legjislacionit dhe vendimeve në të ardhmën në mënyr që ne si Inspektorat i punës mos të kemi rëndin e gjatë të pritjeve nga mësimdhënsit, qoft nga Komuna e Istogut apo komuna tjera. Por duhet ta dini se Inspektoret tonë e zbatojn Ligjin e Punës dhe Ligjin për Inspektoratin.

Naim Behlulaj, Drejtor i Drejtoratit për Arsim- nuk e thash që nuk kemi të drejt të shkpusim Kontrat as kur është me kontrat të perhershme. Kemi afat 40 ditë ta njoftojm punëmarrsin për arsyet e shkputjes së kontrates. Nese nuk ka nxënës kemi arsy për shkputjen e kontrates, nese ka bër shkelje të rënd të Rregullores kemi arsy për shkputjen e kontrates, apo shkelja e Ligjit për Arsimin Parauniversitar. Kemi rastet kur punëtori ka edhe 11 vite punë por nuk është në drejtimin e duhur gjegjësishtë në drejtimin për të cilin është i kualifikuar dhe në këtë rast është obligative që çdo vitë ti hapet konkursi, andaj sipas Ligjit të Arsimit Parauniversitar nuk kemi mundsi të lidhim kontrat të perhershme. Të njëjtit ne i kemi sugjeru të lajmrohen tek ju sepse me shkresen ton janë paraqit në Inspektorat. Ju e keni lshu një Vendim dhe ne e kemi rrespektuar, por kur ata nuk janë të interesuar ti zgjidhin

problemet dhe punët e veta unë nuk kamë baz Ligjore që tua zgjidh problemet sepse kamë obligim ta zbatoj Ligjin, andaj mendoj se Inspektorati i Arsimit sbashku me Inspektoratin e Punës mund ta gjeni zgjidhjen mes kundërshtimeve të të dy Ligjeve. **Zenun Bujupaj, Komuniteti Shqipëtar-** e kam pershtypjen se ka një keqkuptim këtu, demokracia është një lloj dhune e Ligjit, madje mund të jetë definicion shumë i sakt për demokracinë. Ajo çfarë do duhej të jetë thelbi është, nëse ka diskriminim ose nuk ka siguri në punë Inspektorët këtu janë autonom dhe duhet të ndermarrin masa. Nuk është e lejshme që punëdhënësi të bëjë diskriminim të punëtorve dhe këtu duhet Inspektorati të nderhyj dhe të ndermarrin masa.

Ali Nimanaj, Nënkyetar i Komunës - mendoj se sqarimet që i dhanë Drejtori dhe Inspektorja janë të qarta dhe mendoj se të gjithë po pajtohemi por po i elaborojmë me fjalë të tjera. Ndergjegjësimi si i punëdhënësit si i punëmarrësit është proces në vazhdimësi dhe bazuar në statistika dhe raporte ka filluar të përmirsohet, këtu ka ndikuar edhe Liberalizimi i vizave e që një numër i punëtorve janë punësuar në perëndim, andaj tek ne ka rënë fuqia punëtorë gjë që ka ndikuar tek punëdhënësit për respektimin e të drejtave të punëtorve.

Skender Hasangjekaj, koordinator i KKS-së- falenderoj Inspektorin për një raport të detajuar në krahasim me raportet e viteve të kaluara. Si të mësoni qenë e parapar me Planin e Punës bazuar në ankesat që i kanë paraqitur kryesisht punëtorët nëpër markete, për mos respektimin e kontratave dhe orarëve të punës të stergjatur. Kjo temë është e rëndësishme të debatohet në vijim por mund të modifikohet edhe me sugjerimet e juaja me nëntemat për vitet në vijim. Më vije mirë që bashkëpunimi me Komunën e Istogut është më i mirë se me Komunat tjera në regjion.

Sa ju përket Inspektimeve të planifikuara a ka afat kohor kur parashtrihet kërkesa dhe a mendoni se KKS-ja mund të ju ndihmojë nëse po në çfarë forme.

Monika Curri, Koorditore e Inspektoratit Qendror të Punës-Pejë - Kohën nuk e kemi të parapar për parashtrimin e kërkesave, por do të ishte mirë spaku një javë kohë për të pas hapsirë të nderhyhet në Planet e rregullta të Inspektorëve dhe të caktohet termi. Një Inspektim i përbashkët është realizuar në kohë të shpejtë në Fabrikën e Ujit Mokna, me që ka pas informacion se ka punëtor të huaj që po punojnë aty dhe brenda ditë është realizuar ky inspektim. Gjithashtu janë objekt i inspektimeve të përbashkëta edhe kafet e natës e që në Istog janë tri apo katër për të cilat zakonisht dy deri në tri ditë paraprakisht dakordohemi subjektet që marrin pjesë në inspektim të përbashkët. Është shumë mirë që e bëre këtë pyetje andaj po ju sugjeroj që spaku një javë të parashtroni kërkesë për gjitha institucionet që marrin pjesë në një inspektim të përbashkët, kur është fjala për inspektim të planifikuar.

Ali Nimanaj, Nënkyetar i Komunës - me që nuk ka diskutime tjera falenderon znj. Curri dhe gjithë diskutuesit dhe kalojmë në pikën e shtatë të rendit të ditës të ndryshme, gjegjësisht si pikë e gjashtë me që në mungesë të zyrtarëve pika e gjashtë u shty për takimin e radhës.

6. Të ndryshme

Ali Nimanaj, Nënkyetar i Komunës - a ka ndonjë antar të hap ndonjë gështje apo të diskutojë.

Enver Balaj, Kryesues i këshillit të prindërve të Arsimin në Komunë- i kamë dy pyetje, një për Ju Nënkyetar një për Koordinatorin. Pastrimi i megjave pergjatë rrugëve është bër çdo vitë, këtë vit ende nuk është realizuar a është në Planë një gjë e tillë sidomos në drejtim të Prigodes dhe Vrellës. Pyetja për koordinatorin gjatë vrapimeve dhe hecjeve qytetaret hasin rruges apo skaj rrugës qën apo maca të ngordhura. A ka mundsi tna njoftoni kujt duhet ti drejtohen qytetarët për këtë problem.

Ali Nimanaj, Nënkyetar i Komunës – Komuna e ka një kompani të kontraktueme për mirëmbajtje verore të rrugëve, nuk e di specifikisht a është mirëmbajt të lokacionet që ju i theksuet por do të interesohem dhe në takimin e radhes do të jap pergjigje.

Skender Hasangjekaj, koordinator i KKSb-së- Sa ju perket rrugve Regjionale Ministria ka një kompani të kontraktuar për mirëmbajtjen verore dhe dimërore të rrugëve, ndersa për rrugë lokale është kompania e kontraktuar nga Komuna, në brendi të zonave urbane Ambienti. Mirpo Ligji për Fatkeqsi Natyrore dhe Fatkeqsi tjera, e që pyetja juaj mund të konsiderohet edhe si fatkeqi tjetër, çdo qytetar ka per obligim të ndermerr masat e nevojshme për parandalimin apo reagimin në fatkeqsi. Nuk mund të presim se per çdo problem minimal të presim që Administrata komunale të zgjidh problemet me shkop magjikë. Qytetarët duhen ti dinë Ligjet në fuqi sepse hapja e një tenderi ekskluziv për mbledhjen e qënve dhe macave të ngordhura në tër teritorin e Komunës do duhej të vlersohet numri largësia e ngordhjes vend grumbullimi dhe mjetet buxhetore, një gjë të tillë është veshtir ta parashohim. Sa ju perket qendrave urbane jemi në dijeni që ka pas raste të intervenimit nga Ambienti ndersa në zona rurale spaku unë nuk jamë në dijeni per ndonjë kerkesë.

Ali Nimanaj, Nënkyetar i Komunës – Me që nuk ka pyetje apo debat tjetër, ju falenderoj për kontroibutin dhe shihemi në mbledhjen e radhes.

Mbledhja perfundoj:

11.25